

اتوار 26 مئی، 2019

مضمون۔ جنتے بدن

سنہری مستن: زبور 103:1 آیت

”اے میری جندے! رب نوں مبارک آکھتے جو کجھ میرے اندر اے اوہدے پاک ناں نوں مبارک آکھے۔“

جوابی پڑھائی: زبور 103:2 توں 5، 8، 11 آیتاں

- 2۔ اے میری جندے رب نوں مبارک آکھ! تے اوہدی کسے نعمت نوں نہ بھلا۔
- 3۔ اوہ تیری ساری بدکاری نوں بخشدا اے۔ اوہ تینوں سارے روگاں توں شفا دیندا اے۔
- 4۔ اوہ تیری جند نوں موت توں بچاؤندا اے۔ اوہ تیرے سر اُتے شفقت تے رحمت داتاں دھر دا اے۔
- 5۔ اوہ تینوں ساری عمر چنگیاں چنگیاں شیواں نال رجاؤندا اے۔ تُو عقاب وانگر نواں جوان ہندا اے۔
- 8۔ رب رحم کرن والا تے کرم کرن والا اے۔ غصے وچ دھیماتے شفقت وچ غنی۔
- 11۔ کیوں جے جنہاں اسمان دھرتی توں اچا اے اوہنی اوہدی شفقت اوہناں اُتے اے جیہڑے اوہدے توں ڈر دے نیں۔

## درسی وعظ

## بائبل وچوں

## 1- زبور 25:1، 2 آیت (توں):

1- اے رب میں اپنی جنت تیرے ول چُکدا آں

2- اے میرے رب میں تیرے اُتے بھروسہ کیتا۔

## 2- وعظ 2 باب 24، 26 آیتاں (پہلے تیکر)

24- ایس لئی انسان لئی ایہدے توں چنگا کجھ نہیں پئی اوہ کھاوے تے اپنے تے اپنی ساری محنت دے وچکائے  
خوش ہو کے اپنا دل بہلاوے۔ میں دیکھیا پئی ایہہ وی رب دے ہتھوں ای اے۔

26- کیوں جے اوہ اوس بندے نوں جیہڑا اوہدے سامنے چنگا اے عقل تے سیان تے خوشی دیندا اے پر پاپی  
نوں تکلیف دیندا اے پئی اوہ اکٹھا کرے تے ڈھیر لاوے تاں جو اوہنوں دیوے جیہڑا رب نوں پسندا اے۔

بائبل دا ایہ سبق پلین فیلڈ کرچن چرچ، آزادولوں تیار ہو یا اے۔ ایہ کنگ جیمز بائبل دیاں آیتاں تے میسری سیکر ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تفسیراں نال بنیاں۔

## 3- اعمال 3 باب 1 توں 13، 19، 25، 26 آیتاں

- 1- پطرس تے یوحنا دے ویلے یعنی تیجے پہر ہیکل نوں جارہے سی۔
- 2- تے لوک اک جماندر و لنگڑے نوں لیا رہے سی جنہوں ہیکل دے اوس بوہے اُتے بٹھا دیندے سی جیہڑا سوہناں اکھواندا سی تاں جو ہیکل وچ جان والیاں توں پیسے منگے۔
- 3- جدوں اوہنے پطرس تے یوحنا نوں ہیکل وچ جان دیاں ویکھیا تے اوہناں توں پیسے منگے۔
- 4- پطرس تے یوحنا نے اوہنوں غور نال ویکھیا تے آکھیا ساڈے ول ویکھ۔
- 5- اوہ اوہناں توں کجھ ملن دی آس وچ اوہناں ول غور کرن لگیا۔
- 6- پطرس نے آکھیا چاندی سونائے میرے کول نہیں اے پر جو کجھ میرے کول ہے اے اوہ تینوں دیناں آں۔  
یسوع مسیح ناصری دے نال ٹر پھر۔
- 7- تے اوہدا سجا پھڑ کے اوہنوں چکیا تے اوہدے ویلے اوہدے پیرتے گٹے مضبوط ہو گئے۔
- 8- تے اوہ چڑک کے کھڑا ہو گیا تے ٹرن پھرن لگ پیا تے ٹردا تے پڑکدا رب دی وڈیائی کردا ہو گیا اوہناں دے نال ہیکل وچ گیا۔
- 9- تے ساریاں لوکاں اوہنوں ٹردیاں پھردیاں تے رب دی وڈیائی کردیاں ویکھ کے۔
- 10- اوہنوں نہ پچھانیاں پئی ایہہ اوہ ای اے جیہڑا ہیکل دے سوہنے بوہے اگے بیٹھا پیسے منگدا سی تے اوس معجزے نال جیہڑا اوہدے نال ہو گیا سی بوہت حیران تے پریشان ہوئے۔

11- جدوں اوہنے پطرس تے یوحنا نوں پھڑیا ہو نیا سی تے سارے لوکی حیران ہو کے اوس برآمدے ول جیہڑا سلیمان دا اکھواندالے اوہناں دے کول دوڑ کے آئے۔

12- پطرس نے ایہہ دیکھ کے لوکاں نوں آکھیا اے اسرا ئیلیو۔ ایہدے اُتے تسی کیوں حیران ہندے اوتے ساہنوں اتیج کیوں دیکھ رہے او پئی جیویں اسی اپنی قدرت یادینداری نال ایس بندے نوں ٹرن جو گا کیتا اے؟

13- ابراہام تے اضحاق تے یعقوب دے رب یعنی ساڈے پیو دادے دے رب نے اپنے خادم یسوع نوں جلال دتا جنہوں تسی پھڑوادتا تے جدوں پلاطوس نے اوہنوں چھڈ دین دا ارادہ کیتا تے تسی اوہدے سامنے اوہدا انکار کیتا۔

19- ایس لئی توبہ کرو تے پھر جاؤ تاں جو تہاڈے پاپ مکائے جان تے اتیج رب دی حضوری وچوں تازگی دے دن آؤن۔

25- تسی نبیاں دی اولاد تے اوس عہد دے شریک او جیہڑا رب نے تہاڈے پیو دادے نال بنھیا سی جدوں ابراہام نوں آکھیا پئی تیری اولاد توں جگ دے سارے گھرانے برکت پاؤن گے۔

26- رب نے اپنے خادم نوں چک کے پہلاں تہاڈے کول گھلپائی تہاڈے وچوں ہر اک نوں اوہدیاں بدیاں توں ہٹا کے برکت دیوے۔

#### 4- اعمال 14 باب 8 توں 18 آیتاں

8- تے لسترہ وچ اک بندہ بیٹھا سی جیہڑا اپنے پیراں توں لاچار سی۔ اوہ جماندر و لنگڑا سی تے کدی ٹریا نہیں سی۔

9- اوہ پولوس نوں گلاں کر دے سُن رہیا سی تے جدوں اوہنے اوہدے ول دھیان کر کے ویکھیا پئی اوہدے اندر شفا دے لائق ایمان اے۔

10- تے بڑی آواز نال آکھیا اپنے پیراں بھار سدھا کھلو جا۔ ایس لئی اوہ چڑک کے ٹرن پھرن لگ پیا۔

11- لوکاں نے پولوس دا ایہہ کم ویکھ کے لکانیہ دی بولی وچ اُچی آواز نال آکھیا پئی بندیاں دی شکل وچ ساڈے لئی دیوتا تر آئے نیں۔

12- تے اوہناں نے برنباس نوں زیوس آکھیا تے پولوس نوں ہر میس۔ ایس لئی پئی ایہہ کلام کرن وچ سبقت رکھدا سی۔

13- تے زیوس دے اوس مندر دا پجاری جیہڑا اوہناں دے سامنے سی بیل تے پھلاں دا ہار پھاٹک اُتے لیا کے لوکاں دے نال قربانی کرنا چاؤندا سی۔

14- جدوں برنباس تے پولوس رسول نے سنیاتے اپنے کپڑے پھاڑ کے لوکاں وچ وڈھ گئے تے پکار پکار کے۔

15- آکھن لگے پئی اے لوکو! تسی ایہہ کیہ کر دے او؟ اسی وی تہاڈے ورگے انسان آں تے تہانوں خوشخبری سناؤندے آں تاں جے ایہو جئیاں باطل شیواں نوں چھڈ کے اوس زندہ رب ول پھر وجہے اسمان تے دھرتی تے سمندر تے جو کجھ اوہناں وچ ہے اے پیدا کیتا۔

16- اوہنے اگلے زمانے وچ ساریاں قوماں نوں اپنی راہ اُتے ٹرن دتا۔

17- فیروی اوہنے اپنے آپ نوں کلاہ نئیں چھڈیا۔ ایس لئی اوہنے مہربانیاں کیتیاں تے اسمان توں رہاڈے لئی پانی ورھایا تے بڑی بڑی پیداوار لئی موسم دتے تے تہاڈے دلاں نوں خوراک تے خوشی نال بھر دتا۔

18- ایہہ گلاں کر کے وی لوکاں نوں بوہت اوکھار وکیا پئی اوہناں لئی قربانی نہ کرن۔

## 5- 1 کرنتھیوں 1 باب 1 (یادوجا)

1- پولوس جیہڑا رب دی مرضی نال یسوع مسیح دارسول ہوون لئی بلایا گیا

## 6- 1 کرنتھیوں 6 باب 19، 20 آیتاں

19- کیہ تسی نئیں جان دے پئی تہاڈا بدن پاک روح دا گھراے جیہڑا تہاڈے اندر وڑھیا ہو یا اے تے تہانوں  
رب دی مرضی نال ملیا اے؟ تے تسی اپنے آپ دے نئیں۔

20- کیوں جے قیمت نال خریدے گئے او۔ ایس لئی اپنے بدن نال رب دا جلال ظاہر کرو۔

## 7- رومیوں 12 باب 1، 2 آیتاں

1- ایس لئی اے بھراؤ! میں رب دیاں رحمتاں یاد کروا کے تہاڈے اگے درخواست کرد اپنی اپنے بدن اجیہی  
قربانی ہوون لئی نذر کرو جیہڑی زندہ تے پاک رب نوں پسند ہووے۔ ایہہ ای تہاڈی معقول عبادت اے۔

2- تے ایس جگ دے ہمشکل نہ بنو بلکہ سیان نویں ہو جان نال اپنی صورت بدل دے جاؤ تاں جو رب دی نیک  
تے پسند دی تے کامل مرضی تجربے نال پتا کر دے رہو۔

## 8- 1 تھسلیٹکیوں 5 باب 23 آیت

23- رب ای جیہڑا سکون دا چشمہ اے آپ ای تہانوں بالکل پاک کرے تے تہاڈی روح تے جندتے بدن ساڈے رب یسوع مسیح دے آؤن تیکر پورے پورے تے بے عیب محفوظ رہن۔

## سائنس تے صحت

1- 307:25 (الہی)۔30

الہی سیان انسان دی جند اے، تے انسان نوں ساریاں شیواں اُتے حکمرانی دیندا اے۔ انسان نوں مادیت دی بنیاد اُتے نہیں بنایا گیا تے نہ اوہنوں مادی قانوناں دی پاسداری دا حکم دتا جیہڑے روہ نے کدی نہیں بنائے؛ لہذا صوبہ روحانی قانوناں، سیان دے اُچے اصولاں وچ اے۔

2- 477:19-25

سوال: بدن تے جند کیہ نہیں؟

جواب: شناخت روح دا پر چھانواں اے، اوہ پر چھانواں جیہڑا الہی اصول، یعنی پیار دیاں کئی شکلاں وچ پایا جاندا اے۔ جند مادا، حیاتی، انسان دی ذہانت اے، جیدی انفرادیت ہندی اے پر مادے وچ نئیں۔ جند روح توں گھٹ کسے شے دا پر چھانواں نئیں بن سکدی۔

3- 13:25-32

الہی اصول، پیار ساریاں دے پیو، جیہڑا جسمانی طور تے خالق بن کے سامنے آؤندا اے، اوہدے بارے انسان دی بے خبری دی وجہ توں انسان اپنے آپ نوں بدنی من دے نیں، تے رب دی صورت یا شبیہ دے طور تے انسان دی ہمیشہ دی غیر معمولی وجودیت توں بے خبر رہندے نیں۔ غلطی دا جگ سچائی دے جگ توں بے خبر اے، انسان دی وجودیت دی اصلیت توں اٹھا اے، کیوں جے احساس دا جگ بدن دی بجائے جند وچ حیاتی دے بارے آگا ہی نئیں رکھدی۔

4- 62:20-1

جے اسی عقلمند تے صحت مند آں تے ساہنوں ایہہ ذہانت مادے دے نال بوہتی توں بوہتی نئیں بلکہ گھٹ توں گھٹ منسوب کرنی چاہیدی اے۔ الہی سیان، جیہڑی ڈوڈی نوں بناؤندی تے کھڑاؤندی اے، انسان دے بدن دی حفاظت کرے گی، جیویں اوہ سو سن دے بوٹیاں نوں کپڑے پاؤندا اے۔؛ پر کسے بندے نوں غلطی دے قانوناں، انسان دے خیالاں نوں زبردستی وچ واڑھدیاں ہوئے رب دی حکومت دی مخالفت نہ کرن دیو۔

بائبل دا ایہہ سبق پلین فیلڈ کرچن پرچ، آزادولوں تیار ہو یا اے۔ ایہہ کنگ جیہڑا بائبل دیاں آیتاں تے میسری سیکریٹری دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیا اے۔



انسان دی اُچی فطرت کسے حقیر دی حکمرانوں وچ نہیں اے، جے ایہج ہندواتے سیان دی ترتیب اُلٹ ہو جاندی۔ حیاتی دے بارے ساڈے جھوٹے خیال ہمیشہ دی ہم آہنگی نوں لکائے رکھدے نیں، تے اوہ بیماریاں پیدا کردے نیں جنہاں دی اسی شکایت کردے آں۔ کیوں جے انسان مادی قانوناں نوں من دے تے سیان دی سائنس نوں رد کردے نیں، ایہدے نال مادیت اول تے روح دا اچا قانون اخیری نہیں ہو جاندا۔

5 - 4-25:280

ٹھیک سمجھیا جاوے تے اک حساس مادی صورت اپناؤن دی بجائے، انسان اک سُن بدن لے کے پھر دا اے، تے رب، جیہڑا انسان تے ساری مخلوق دی جندا اے، اپنی انفرادیت، ہم آہنگی تے لافانیت وچ ہمیشہ تیکر ہندیوں ہوئے، منفرد رہندا تے انسان وچ ایہناں خوبیاں نوں، سیان دے راہیں، نہ کہ مادے دے راہیں، جاری رکھدا اے۔ انسان دے خیالاں اُتے دھیان دین تے ہستی دی سائنس نوں رد کرن دا صرف اک ای بہانہ روح بارے ساڈی بے خبری اے، اوہ بے خبری جیہڑی صرف الہی سائنس دی سمجھ نوں من دی اے، اجیہی سمجھ جیدے پاروں اسی دھرتی اُتے سچائی دی بادشاہت وچ وڑھ دے آں تے ایہہ سکھدے آں پئی روح لا محدود تے بوہت اُچی اے۔

6 - 30-20،14-6:146

سکولوں نے خدائی اُتے ایمان دی بجائے، منشیات دے فیشن اُتے ایمان نوں ودھایا اے۔ مادے دے اپنے ای مخالف نوں تباہ کرن دے یقین کر دیاں ہوئے، صحت تے ہم آہنگی نوں قربان کر دتا گیا اے۔ ایس طراں دے نظام روحانی قوت دی وحدت توں خالی ہندے نیں، جیدے پاروں مادی سوچ سائنس دی غلام بنائی جاندی اے تے مذہب مسیح وانگر بن جاند اے۔

مادی دوارب دی طاقت دی تھیں منشیات نال بدل دیندی اے، ایہتھے تیکر پئی انسانی طاقت نال وی، تاں جو بدن نوں ٹھیک کر سکے۔۔۔ سائنس ”تیریاں بستیاں داسافر“ اے، جنہوں یاد نہیں کیتا جاند ایہتھے تیکر پئی اوہدے اُچے اثر ایہدے الہی اصلیت تے فائدیاں نوں عملی طور تے ثابت کر دے نیں۔

الہی سائنس ایہدی اجازت بائبل ولوں لیندی اے تے سائنس دی الہی اصلیت بیماری تے شفا دے دوران سچائی دے پاک اثر دے راہیں ظاہر کیتی جاندی اے۔ سچائی دی ایہہ شفا نئی طاقت اوس دور توں وی کتے پہلاں دی اے جدوں یسوع رہندا ہندا اے۔ ایہہ ”پرانے زمانیاں“، جنہی پرانی اے۔ ایہہ شروع توں رہندی اے تے پوری وسعت رکھدی اے۔

7 - 309:24-32

ہستی دی سائنس ایہنوں لامحدود روح یا جند لئی ناممکن پیش کر دی اے پئی ایہہ اک محدود بدن یا انسان لئی اوہدے بناؤن والے توں وکھری کوئی ذہانت رکھے۔ ایہہ ایس گل نوں فرض کرن لئی آپ ای گواہی اے پئی نامیاتی حیوان یا ہریالی والی حیاتی ورگی اصلیت ہو سکدی اے، جدوں ایہہ برائے نام حیاتی موت اُتے نگ جاندی اے۔ حیاتی کدی اک

بائبل دا ایہہ سبق پلین فیلڈ کرچن پرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میسرے سیکر ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تھسیریاں نال بنیا اے۔

پل وچ ای ننیں مک جاندى۔ ایس لئی ایہہ کدی بناؤٹی یا نامیاتی ننیں ہندی، تے نہ کدی اپنی شکل دے پاروں محدود یا غرق ہندی اے۔

8 - 2-28:318

حکمران اپنے محکوماں دے کدی بیٹھاں ننیں ہندے۔ سائنس وچ انسان اُتے رب، الہی اصول حکومت کردا اے، جیویں عدد اوہدے قانوناں نال قابو کیتے جاندے نیں تے ثابت کیتے جاندے نیں۔ ذہانت عدد داں نال پیدا ننیں ہندی، بلکہ اوہناں دے راہیں ظاہر کیتی جاندى اے۔ بدن وچ جند شامل ننیں ہندی، بلکہ ایہہ مادیت، جند دی جھوٹی حس نوں ظاہر کردی اے۔ مادے وچ حیاتی اے ایس دھوکے دا اسمانی حیاتی دے نال کوئی رشتہ ننیں اے۔

9 - 27-24:350

”کلمہ جسم بنیا۔“ ایہدے توں پہلاں پئی ہستی دی سائنس نوں ظاہر کیتا جاسکے الہی سچائی نوں بدن اُتے تے ایہدے نال نال ذہن اُتے ایہدے اثر اں دے راہیں وسیلہ پچھانیاں جانا چاہیدا اے۔

10 - 27-15:251

ساہنوں ایہہ سکھناں چاہیدا اے پئی انسان کیوں بدن اُتے حکمرانی کردا اے، حفظانِ صحت یاد دوائیاں اُتے بھروسہ کرن نال یا اپنی قوتِ ارادی دے پاروں۔ ساہنوں ایہہ سکھناں چاہیدا اے پئی کیہ اوہ، بیماری، پاپ، موت تے معافی دی لوڑ اُتے بھروسہ کرن نال حکمرانی کردے نیں یا اُچی سمجھ نال حکمرانی کردے نیں پئی الہی سیان کامل بناؤندی اے، سچائی دے پاروں برائے نام انسان دی سوچ عمل کردی اے، انسان دی سوچ نوں ساری غلطی نوں چھڈ دین دی ہدایت دیندی اے، تاں جو اوہ الہی سیان نوں ای کُلی سیان تے پاپ، بیماری تے موت توں شفا دین والا منے۔ اُچی روحانی سمجھ دا ایہہ مرحلہ انسان نوں سدھارے گا جدوں تیکر پئی غلطی غائب نہ ہو جاوے، تے اجیہا کجھ وی باقی نہیں بچدا جنہوں ہلاک کیتا جاسکے یا سزا دتی جاسکے۔

## 11- 14:326-15

تھوڑا اجیہا نہیں بلکہ پورے طور تے مادی سوچ دا اوڈھا شفا دین والا بدن نوں وی شفا دین والا اے۔

## 12- 14:395-6

اک وڈھے نمونے وانگر، روح نوں حساں دیاں جھوٹیاں گواہیاں اُتے حکومت کرن بیماری تے فانی تے دعویاں نوں جتاؤن لئی آزاد کردیاں ہوئے، شفا دین والے نوں بیماری دے نال گل کرنی چاہیدی اے کیوں جے اوہنوں اوہدے اُتے اختیار حاصل اے۔ ایہہ ای اصول پاپ تے بیماری نوں شفا دیندا اے۔ جدوں الہی سوچ نفسانی سوچ دے ایمان اُتے ایس ایمان اُتے قابو پالیندی اے پئی رب اُتے بھروسہ پاپ تے مادی شفا تے طریقیاں اُتے یقین نوں تباہ کردیندا اے، تے پاپ، بیماری تے موت غائب ہو جان گے۔

بائبل دا ایہہ سبق پلین فیلڈ کرچن پرچ، آزاد لوں تیار ہو یا اے۔ ایہہ کنگ جیمز بائبل دیاں آیتاں تے میسری سیکر ایڈی دی لکھی ہوئی کرچن سائنس دی دوسری کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیاں۔

## روزانہ دے فرض

میری بیکرا ایڈی ولوں

### روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچائی، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوسیل، آرٹیکل VIII، سیکشن 4۔

### مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سچجی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکنان نوں سارے پاپاں توں، غلط طراں دیاں پیش گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہید اے۔

چرچ مینوسیل، آرٹیکل VIII، سیکشن 1۔

## فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہ انصاف ہووے گا، اوہ بے قصور یا قصور وار ہووے گا۔

چرچ مینوسیل، آرٹیکل VIII، سیکشن 6۔